

LEIKSKÓLINN Í STYKKISHÓLMI

ÁRSSKÝRSLA

SIGRÚN ÞÓRSTEINSDÓTTIR LEIKSKÓLASTJÓRI

Efnisyfirlit:

Starfstími skólans.....	2
Starfsmannahald og nemendafjöldi	2
Stjórnendur.....	2
Starfsmenn	2
Starfsmenn – stöðugildi 1. júní 2020	2
Nemendafjöldi	2
Skipulag leikskólans	3
Opnunartímar	3
Húsnæði.....	3
Stoðþjónusta - stuðningsúrræði	3
Sérkennsla	3
Uppeldi og menntun.....	4
Aðalnámskrá leikskóla	4
Skipulagsdagar	4
Leikskóladagatal	4
Foreldra samstarf	4
Annað samstarf.....	5
Símenntunaráætlun.....	5
Leikskólaráðgjafi	5
Skólaárið í hnotskurn.....	6
Covid-19 heimsfaraldur	7
Önnur mál.....	8
Nettenging	8
Námsstyrkur	8
Stækkun leikskólans	8

Starfstími skólans

Skólastarf hófst mánudaginn 12. ágúst 2019 og sumarfrí leikskólans byrjar 10. júlí 2020. Skólinn er opinn alla virka daga utan sumarleyfislokunar og auglýsta skipulagsdaga.

Starfsmannahald og nemendafjöldi

Stjórnendur

Við leikskólann starfa leikskólastjóri, aðstoðarleikskólastjóri, sérkennslustjóri, og fjórir deildarstjórar. Sigrúnu Þórsteinsdóttur leikskólastjóri, Elísabet Lára Björgvinsdóttir aðstoðarleikskólastjóri og Berglind Ósk Kristmundsdóttir sérkennslustjóri.

Starfsmenn

Heildarfjöldi starfsmanna sem starfa við leikskólann 1. júní 2020 er 28 í 24,45 stöðugildum. Þar af voru ein 100% staða í fæðingarorlofi frá 1. Nóvember 2019 og önnur í fæðingarorlofi frá 17. Apríl 2020. Fjórir leikskólakennarar eru í 3,86 % stöðu, stjórnendur þar með taldir. Einn starfsmaður er í leikskólakennaranámi, tveir eru með grunnskólakennaramenntun og þrír með aðra háskólamenntun. Iðjuþjálfari var hér í 75% starfi frá október til maí. Aðrir starfsmenn eru með ýmisskonar menntun og reynslu af leikskólastarfi. Yfir sumartímam fáum við 2-3 nemendur vinnuskólans til starfa.

Starfsmenn – stöðugildi 1. júní 2020

Stjórnun: 2,3 stöðugildi

Deildarstjórar: 3,75 stöðugildi

Aðrir kennarar og afleysing: 16 í 12,32 stöðugildum

Sérkennsla/stuðningur við deild: 2,0 stöðugildi

Starfsmenn með örorkuvinnusamning: 0,86

Eldhús/þvottar: 1,63 stöðugildi

Ræsting: 1,16 stöðugildi

Nemendafjöldi

Leikskólinn í Stykkishólmi er fyrir börn frá 1. árs aldri til 6 ára. Nemendafjöldi 1. maí 2019 var eftirfarandi:

16 börn fædd 2014

18 börn fædd 2015

16 börn fædd 2016

15 börn fædd 2017

18 börn fædd 2018

3 börn fædd 2019

Samtals 86 börn í 660,20 dvalarstundum. 46 drengir og 40 stúlkur sem tala alls 8 tungumál.

Skipulag leikskólans

Opnunartímar

Leikskólinn í Stykkishólmi var opinn frá kl 7:45 – 16:30. Sumarlokun sumarið 2020 eru 20 virkir dagar. Skólaárið 2019 -2020 voru fjórir heilir skipulagsdagar og tveir hálfir (þá er lokað frá kl. 12), einn heill og tveir hálfir voru á haustönn og þrír heilir á vorönn.

Húsnæði

Leikskólinn í Stykkishólmi var byggður sem þriggja deilda leikskóli með möguleika á að stækka um eina deild. Deildirnar heita Ás, Nes og Vík. Við leikskólann stendur laus kennslustofa sem ber fjórðu deildina sem nefnist Bakki. Þar eru allra yngstu börnin og voru 13 börn þar á vorönn. Brýnt er að hugsa fyrir því að hefja framkvæmdir við stækkun leikskólans.

Stoðþjónusta - stuðningsúrræði

Sérkennsla

Hvert barn fær kennslu og uppeldi við hæfi. Ef og þegar þörf er á fá nemendur leikskólans sérkennslu ýmist í litlum hópum eða eitt og sér. Þetta getur átt við um tvítýngd börn, börn með tilfinningaleg vandamál eða einhverjar raskanir í þroska, hvort sem farið hefur fram greining á barninu eða ekki. Leikskólinn í Stykkishólmi er skóli án aðgreiningar.

Teymisfundir eru á sex – átta vikna fresti fyrir nemendur sem þurfa á því að halda en þeir eru haldnir í samstarfi við Félags- og skólaþjónustu Snæfellinga. Leikskólinn leggur fyrir Hljóm-2 athugun á hljóð- og málvitund elstu nemenda leikskólans að hausti og einnig er Efi-2 málþroskaathugun gerð á yngri börnum þegar það á við sem og Íslenski þroskalistinn.

Félags- og skólaþjónusta Snæfellinga (FSSF) annast sérfræðiþjónustu við Leikskólann í Stykkishólmi. Forstöðumaður er Sveinn Þór Elínbergsson.

Félags- og skólaþjónustan er með vef þar sem hægt er að nálgast frekari upplýsingar um starfsemina. Slóðin á vefinn er: <http://www.fssf.is/>

Þeir sérfræðingar sem koma að leikskólanum í Stykkishólmi eru sálfræðingur og talmeinafræðingur. Heimsóknir talmeinafræðings eru þrjár fyrir áramót og þrjár eftir áramót. Sálfræðingur kemur að jafnaði einu sinni í mánuði yfir vetrartímann.

Foreldrum er gefinn kostur á að panta tíma hjá viðkomandi sérfræðingum.

Í vetur var haldið áfram með tilraunaverkefni með Tröppu talþjálfun í samstarfi við grunnskólann fyrir þau börn sem eiga rétt á niðurgreiddri talþjálfun frá Tryggingastofnun eftir greiningu frá talmeinafræðingi. Ákveðið var að endurnýja ekki samninginn við Tröppu fyrir næsta skólaár.

Uppeldi og menntun

Aðalnámskrá leikskóla

Aðalnámskrá leikskóla er grundvöllur leikskólastarfs og sá leiðarvísir sem við byggjum á okkar uppeldis- og menntastarf.

Hver leikskóli á samkvæmt lögum að gera sér sína skólanámskrá og kom endurskoðuð skólanámskrá leikskólans út 5. febrúar 2018.

Leikskólinn í Stykkishólmi leggur áherslu á skapandi starf í sinni víðustu mynd. Litið er svo á að hvert barn sé skapandi og virkt og það er okkar hlutverk að styðja hvert barn til þroska. Leikskólinn í Stykkishólmi leggur áherslu á sérstöðu hvers barns og að gefa hverju barni tækifæri á að hafa áhrif á sína leikskólagöngu. Það er m.a. gert með skráningum í leikskólastarfi og einstaklingsnámskrám sem unnar eru í samstarfi við foreldra/forráðamenn og börnin sjálf. Í leikskólastarfi er lögð áhersla á fjölbreytt viðfangsefni innan og utandyra og á vordögum 2019 er að hefjast þróun á aukinni útikennslu með tveimur elstu árgöngum leikskólans.

Í leikskólanum fá öll börn mat miðað við þeirra vistunartíma en boðið er upp á morgunmat, hádegismat og síðdegishressingu ásamt ávaxta/grænmetisstundum.

Skipulagsdagar

Leikskólinn í Stykkishólmi er með fjóra heila skipulagsdaga og tvo hálfra (þá er lokað frá kl. 12), einn heill og tveir hálfir voru á haustönn og þrír heilir á vorönn. Á skipulagsdögum er m.a. unnið að endurmenntun starfsfólks, unnið í og farið yfir skólanámskrá, undirbúin foreldraviðtöl ofl. Í vetur var m.a. kynning á hugleiðslu og núvitund fyrir börn og námskeið fyrir allt starfsfólk skólanna á Snæfellsnesi.

Leikskóladagatal

Á hverju vori er gefið út leikskóladagatal sem er unnið í samvinnu við Tónlistarskólann og Grunnskólann í Stykkishólmi. Helsta breytingin á leikskóladagatali fyrir 2019-2020 er stytting sumarlokunar í 20 daga.

Foreldra samstarf

Mikil áhersla er lögð á daglegt samstarf og samvinnu við foreldra/forráðamenn. Einnig eru samskipti í formi tölvupósta, skilaboða á Karellen, fréttu á heimasíðu, foreldrafunda og foreldraviðtala sem eru föst tvisvar á ári. Eftir foreldraviðtöl á haustin eru útbúnað einstaklingsáætlanir fyrir skólaárið sem byggja á viðræðum kennara og foreldra í viðtölunum.

Við leikskólann starfa bæði foreldrafélag og foreldraráð. Foreldraráð skal starfa samkvæmt lögum um leikskóla og í því eru þrír fulltrúar foreldra og leikskólastjóri. Foreldraráð er til ráðgjafar um skólanámsskrá, skóladagatal og fleira sem kemur að faglegu starfi leikskólans.

Foreldrafélag sér um jólaföndur og skemmtanir fyrir börnin ásamt því að vera vettvangur fyrir foreldra til að hittast og skiptast á skoðunum um leikskólamála.

Annað samstarf

Leikskólinn í Stykkishólmi á í góðu samstarfi við Grunnskólann og Tónlistarskólann í Stykkishólmi. Við fáum heimsókn litlu lúðrasveitarinnar um það bil tvisvar á ári og eins koma stakir hljóðfæraleikarar til okkar. Einnig er farið í heimsókn með elstu nemendum leikskólans í tónlistarskólann og þeim kynnt hjóðfæri og fleira sem tengist tónlistarnámi.

Grunnskólinn og leikskólinn skiptast á nemum þar sem börn úr 1. bekk koma til okkar og við sendum börn úr elsta hóp í grunnskólann. Eins fá leikskólabörnin góða kynningu á grunnskólasterfi með heimsókn væntanlegs grunnskólakennara þeirra í leikskólann. Elstu nemendum leikskólans er einnig boðið á lokaæfingu árshátíðar yngri deilda grunnskólans ár hvert. Samstarfinu líkur með þriggja daga vorskóla í maí á hverju ári.

Skólastjórar skólanna hittast reglulega á fundum til að efla samstarfið og vinna m.a. saman að dagatölum skólanna.

Í vetur fóru börn af elstu deildinni í reglulegar ferðir á bókasafnið og dvalarheimilið þar sem hópar eldri barna í leikskólanum voru með íbúum dvalarheimilisins í félagsstarfinu þar. Allt þetta fellur niður meðan Covid-19 heimsfaraldurinn gengur yfir.

Símenntunaráætlun

- 19/8 2019. *Vinátuverkefni Blæs*. **Allir starfsmenn.**
- 2/10 2019. *Menntaþing* – Félags-og skólaþjónustan, Grundarfirði. **Allir starfsmenn.**
- 11/11 2019. *Ýmislegt um einhverfu*. Sigrún Þórsteinsdóttir kynnti Meistaraverkefnið sitt um einhverfu frá Strathclyde háskóla í Glasgow. **Allir starfsmenn.**
- *Hugleiðsla og núvitund*. Ragnheiður Harpa grunnskólakennari kynnir verkefnið sitt á starfsmannafundi í janúar 2020. **Allir starfsmenn.**

Vegna Covid-19 heimsfaraldurs, féll símenntun utan leikskólans niður frá byrjun febrúar 2020

Þó byrjuðum við að vinna með Office 365 og Teams í febrúar og mars og fengum til þess Gunnlaug Smárason sem vann þetta með okkur m.a. í fjarkennslu.

Leikskólaráðgjafi

Samþykkt var að ráða leikskólaráðgjafa við leikskólann sem þróunarverkefni í eitt skólaár. Leikskólaráðgjafi mun vera leikskólanum til ráðgjafar um þau verkefni sem snúa að

skólaþróun, faglegu starfi svo sem námskeið, samstarfsverkefni milli skólastiga og annað sem getið er um í skólanámsskrá og aðalnámsskrá leikskóla.

Skólaárið í hnotskurn

Í leikskólastarfi myndast gjarnan ákveðnar hefðir og venjur sem þróast svo í gegnum árin. Leikskólinn í Stykkishólmi er þar engin undantekning, heldur sínar hátíðir og hefur komið sér upp ríkum hefðum sem setja svip sinn á skólastarfið.

Útikennsla: Í vetur hefur einn hópur verið í útikennslu í um 4 tíma hvern dag. Mikil ánægja er hjá nemendum og kennurum með þennan þátt starfsins. Það er Hjalti Hrafn sem sér um kennsluna með þátttöku kennara af tveimur elstu deildunum.

Sumarhátíð: Hefð hefur skapast fyrir sumarhátíð í leikskólanum á síðasta virka degi fyrir þjóðhátíðardaginn okkar 17. júní. Nú hefur hjóladegi verið bætt við hefðbundna leikja- og grílldagskrá þann dag og þá fáum við lögregluna á staðinn til að kíkja á hjólin og hjálmana.

Aðventan: Farið var í hefðbundna kirkjuferð með grunn-og tónlistarskóla, Litlu jólin með hefðbundnum helgileik þar sem endað er á jólaballi. Magnús Ingi Bæringsson, æskulýðs- og tómstundafulltrúi aðstoðaði okkur við ráðningu á jólasveinum. Foreldrafélagið sá um að útvega sveinkunum gjafir, eins og undanfarin ár og tveir þabbar hjálpuðu til með undirspil og söng. Foreldrafélagið stóð fyrir jólaföndri fyrir allar deildir á skólatíma. Börnin útbjuggu jólagjöf fyrir foreldra sína. Helgileiksskráning fer í ferilmöppur barnanna og einnig jólagjafaskráning.

Þorablót/Bóndadagur: Þorrinn var blótaður í janúar með nýju sniði þar sem öllum þeim körlum sem skipa stóran sess í lífi barnanna var boðið á þorablót á bóndadaginn á milli kl. 15-16.

Konudagur: Á föstudeginum fyrir konudaginn var öllum þeim konum sem skipa stóran sess í lífi barnanna boðið í konudagskaffi með vöfflum o.fl. á milli kl. 15-16.

Öskudagur: Fyrir öskudaginn búa nemendur leikskólans sér til búninga sem taka mjög langan tíma í undirbúningi, allt frá hugmyndavinnu til framkvæmdar. Mikið er lagt upp úr öskudagskráningu í ferilmöppur barnanna þar sem bæði hugmyndavinnunni og endanlegri útkomu á búningi eru gerð skil.

Útskriftarferð: Elstu nemendur leikskólans fara ásamt kennurum sínum og foreldrum í gönguferð á Gráukúlu. Þessi ferð er mjög vinsæl og hefur tekist mjög vel. Það er farið að morgni og komið heim eftir hádegi. Skráning á ferðinni fer í ferilmöppur barnanna.

Útskrift: Elstu nemendur leikskólans eru útskrifaðir formlega í lok maí ár hvert, þó svo flest þeirra séu jafnan áfram fram að sumarlokun. Á útskrift sem er seinni part dags sýna börnin fjölskyldum sínum dagskrá sem þau hafa undirbúið vikurnar áður, skuggaleikhús með söng, hljóðfæraleik og brúðum. Útskriftarskráning fer í ferilmöppur barnanna. Að þessu sinni fór útskriftin fram í kirkjunni til þess að mæta viðmiðum Almannavarna vegna Covid-19 faraldurins.

Opið hús: Hefð hefur skapast fyrir opnu húsi í leikskólanum á vorin þar sem við tökum á móti gestum frá kl. 14-16 (Bakki 15-16). Þar er boðið upp á hollar léttar veitingar og börnin sýna verk sín bæði á veggjum leikskólans og í möppum þeirra auk þess sem á borðum eru ýmis

verkefni, þrautabraut í salnum o.fl. Að þessu sinni féll opið hús niður vegna Covid-19 faraldurins.

Afmælishátíð: Síðasta föstudag í mánuði er jafnan afmælishátíð þar sem haldið er upp á afmæli þeirra sem fæddir eru í viðkomandi mánuði. Þá er bökuð kaka í eldhúsinu (einstaka sinnum íspinni). Við hittumst í söngstund og syngjum fyrir afmælisbörnin og síðan er haldið inn á deildir þar sem afmælisbörnin blása á kerti og bjóða upp á kökur. Á sjálfan afmælisdaginn fá börnin afmælisrórónu, sungið er fyrir þau og þeim hampað á ýmsan hátt. Afmælisráning fer í ferilmöppur barnanna. Frá 16. febrúar hafa ekki verið sameiginlegar söngstundir í sal, vegna Covid-19 faraldurins

Bangsadagurinn: Á alþjóðlega bangsadaginn 27. október ár hvert höldum við upp á bangsadaginn með því að koma í náttfötum í leikskólann með okkar uppáhalds bangsa. Í kjölfarið á deginum tóku við sérstakar vinaþema vikur fram að aðventunni. Í vinavikunum fá börnin senda heim hrósmíða með einhverjum jákvæðum skilaboðum.

Annað starf: Danskennslan var á sínum stað á haustönn en Jón Pétur danskennari kenndi tveimur elstu árgöngunum í tveimur hópum sem fengu 8 skipti hvor. Nemendur úr eldri bekkjum grunnskólans voru til aðstoðar og endað var á sameiginlegri sýningu í íþróttahúsinu.

Nokkrum sinnum í mánuði er opnað á milli deilda og börnin fá að flæða á milli deilda og verkefna, velja sér þannig viðfangsefni og fara aðeins út fyrir sitt öryggissvæði ef þau langar til. Ekkert flæðival var frá 16. febrúar og byrjar ekki fyrr en í september, vegna Covid-19 faraldursins.

Á öllum deildum vinna börnin í hópum að smærri og stærri verkefnum. Við erum með málörvunarnámsefnið um Lubba áberandi í starfinu og einnig var í vetur hafin innleiðing á eineltisverkefni Barnaheilla, Vináttu. Búið er að setja niður Vináttu námskeið fyrir alla starfsmenn á skipulagsdegi 19. ágúst n.k. í leikskólanum.

Þemað hefur að öðru leyti tengst náttúrunni og umhverfinu í kring auk þess sem yngri börnin vinna mikið með sig sjálf, nánasta umhverfi og fjölskyldur þeirra. Vegna mikils fjölda nemenda í leikskólanum hefur frekari útikennsla verið í þróun á elstu deildinni og mun það verða þróað enn frekar á næsta skólaári. Ýmiskonar vettvangsferðir og heimsóknir hafa einnig verið áberandi í starfinu. Settar eru niður kartöflur í garðinum og sumar deildir setja niður fræ inni í glugga.

Covid-19 heimsfaraldur

Vegna neyðarstígs almannavarna og viðbragða íslenskra stjórnvalda við heimsfaraldurinn, skertist skólastarf mjög mikið frá 16. mars til 25. maí. Leikskólinn í Stykkishólmi gerði viðbragðsáætlun sem var í stöðugri endurskoðun eftir því sem á faraldurinn leið. (sjá fylgiskjöl)

Stykkishólmsbær lagði áherslu á að vinna náið með skólastjórum meðan á þessu ástandi stæði. Strax var foreldrum boðið upp á að taka börnin sín úr leikskólanum og fá gjöldin felld niður á móti. Margir foreldrar þáðu þetta boð vegna ýmissa ástæðna og það létti undir leikskólastarfinu. Engu foreldri var skylt að vera heima með barnið sitt og leikskólinn í Stykkishólmi þurfti aldrei að skipta barnahópnum niður með mætingu á ákveðna daga eins og

víða þurfti í öðrum skólum. Hér þurfti því ekki að virkja forgangslista en foreldrar í framlínu störfum voru búnir að skrá sig.

Gefnir voru út fjórir viðbragðslistar og er listi nr. fjögur enn í notkun í júní 2020. (sjá fylgiskjal)

Önnur mál

Nettenging

Nettengingu í leikskólanum þarf að bæta og eins þarf að endurnýja tvær borðtölvur og tvær fartölvur.

Námsstyrkur

Nýjar reglur um námsstyrki voru samþykktar í haust.

Stækkun leikskólans

Huga þarf að stækkun leikskólans þar sem þróunin virðist stefna í þá átt að áfram eigi börnum eftir að fjölga. Í byrjun júní 2020 eru umsóknir um leikskólann 88 en við stefnum að því að taka inn 86 börn í leikskólann í vetur. Þá er um 5 börnum of mikið, miðað við þau viðmið sem eru sett á hverri deild. Þetta er gert til þess að koma til móts við foreldra og áherslu okkar hafa heila árganga saman.

4. júní 2020 Sigrún Þórsteinsdóttir leikskólastjóri.